

Dornskridoù Milin : Kanaouennoù

73. (GWERZ SANT TENENAN)

Euz a Irland oa guinidic
 A guerent noble ha pinvidic
 Quenteliou hag exemplou mad
 En devoé a berz mam ha tad.

Quenta ma oué en oat da zesqui
 E voé laquet var ar studi
 Dindan eun den fur a vélec
 A réat aneza Carantec

N'en doa quet accomliset c'hoas
 An oat eveuz a drizec vloas
 Na doa parfet er squianchou
 ha parfetoc'h er vertuzou

Casset oué, evit heul é stat,
 Da lez ar Roué gant é dat
 ha né oué gueleet courtizan
 er palez par da Dénénan

Estiment oa gant ar Brincet
 Caret gant an introunezet
 hac azveulet gant ar bet-oll
 En danger sioaz ! d'en em gol.

Mez da Zoué péhini a garé
 Bende en em recommandé
 hac é c'hounezas eur victor
 Dign a récit hag à énor

Eun Dimezel, merc'h eur Gountez,
 Flac'h a énor d'ar Rouanez,
 N'alle quet en em gontanti
 D'e vélet da d'é gontempli.

Eur Bennerez oa né doa manc
 Caer ha pinvidic ha yaouanc
 hac é sonch a laquéaz ennan
 quen a zeas follés anezan

Ar gontez, o clasq angagi

- 208 -

hon digentil d'é eureugi
 Offrou, gourdrrouzou, quement-zo
 A glascaz evit e zécéo°

° Komp.: devez =
 décider

Maez balamour m'en doa grêt lé
 Da viret é virginité
 En devoué recours d'é armou
 D'an orezon ha d'ar yûnou

Digant Doué é réguétaz
 Evel eur c'hrac ha faveur vraz
 Ma teuze da goll ar guenet
 A yoa caos m'oa quer pertupet.

Souden é obténas é c'hrac
 Lor e parissas var ar plac
 hag an tan a vougas a grenn
 e creiz calon ar femellen.

Neuzé oué libr dezan quitat
 Euz ar palez da dy é dat
 hag gant poan oué anavezet
 gant e dut, quement oa chenchet.

Charmant oa clevet Ténéan
 Oc'h o c'honsoli eh-unan
 hag guelet quer brao digentil
 quer countant gant eur c'hlenvet vil

Eun deiz, goudé é orézon
 e couézas en eur c'housquet don
 hag oué inspiret gant eun El
 Da vont da gaout é vestr santel.

Caranteo a voa informet
 A-berz an Eê euz é glévet
 hag eur rémet en dévoa grêt
 evit é renta yac'h ha nêt

Evel ma songeas touch ounta
 D'e voalc'hi ha d'e barea
 E glevet à zisparisas
 hag o lezas en eur joa vraz.

Neuzé en em stringuas d'an daoulin
 Dirag ar vagesté divine

Dornskridoù Milin : Kanaouennoù(Gwerz Sant Tenenan)

Gant sourci da drugarecat
Eun Doué quer fidel ha quer mad

Tenenan a réas a darré
voeu da viret ar chastété
hac évit renonc cren d'ar bet
Bélec en em rentas abret.

Pa édo guir vella en é vro
O prézeg ar feiz tro var dro,
Eun El a zigasas déza
Urs da guitaat da guimiada

Da vont da condui an denvet
En doa bet Paol gouarnet
En eur c'harter eveuz a Vreiz
Eleac'h na vanq jamez ar Feiz

Ar zant evit executi
Urz an Eé heb dilibéré
gant bennoz é vestr Carantec
A imbarquas gant daou vélec

Chêtu hi o sevel gouel
Da vont étrézé Breiz-izel
E costez leon é abordsont
hag é rad Brest é antresont

Poulzet ouënt gant eun avel gré
Ractal e rivier Landerné
Quen a arrusont gant o lestre
Dindan Castel Gouélet-forest

D'ar point-se an Danémarkis
A zesolé bras Leonis
Nil gruelded a exercent
ha den ganet ne esperne(n)t

An dut o chômm enn o ziez
Ne doant quet sur euz ho buez
Thehet a rent a vandennou
Darn er c'heriou darn er c'hoajou

Forz tud a yoa en em daolet
E coat ar Forest da guzet
hac er c'hastel e laquant guel
Gant aoun na vizont surprenet

Pa velas éta ar santinel
Al lestr o tont eun d'ar c'hastel
E c'havertissaz a bouez penn
Eur sant zo erru d'on difenn.

Ar c'habiten eveuz ar c'hard
Gant e oll soudardet hep tard
A grias " Va bennoz en heur
Ma teu deomp eul libérateur ".

Pa oa disquennet Thénénan
O c'honsolas quitibunan,
O prometti a berz Doué
Dioc'h pep seurt droug o difennché

An dut queiz, gant sourci divoal
ho c'horf, ho madou diouz pep goal
o doa lezet en abandon
Exercis ar Religion

Ar zant evit comodité
Ann offic ha servich Doué
Diou ilis a vatissas prest
Unan e pep penn ar forest

Ilis ar forest oué ar guenta
A gormanças da vatissa
Goudé larcoc'h, en douar braz,
Ilis Plabennec a Fontaz.

En Daou blac-ma é prézégué
D'ar boble christen comsou Doué
hac é vagué o eniou
Dre voyen ar sacramanchou

E creiz étre an diou Ilis,
E savaz c'hoaz eun édifis
Eur c'hré evit diguemeret
An dut paour mar ranchent tec'het

E dy a vatissas enna
Gant chapel da oferenna

Dornskridoù Milin : Kanaouennoù(Gwerz Sant Tenenan)

hac e etablissas ouzpen
eul lez da varn ha da guelen.

Ar varvaret, leun a arrach
A gontimé ober ravach
An oll Ilizou à billent
ha netra sacr na respetent

Ar zant, quenta ma cléo ar brut
E tidostéont var zu é dut
En em lacas prest é péden
hac e oll dut é pinigen

Eun digentil a nopla goat
Gant armou cré biniguet mat,
A roas dezo da gabiten
Evit ho difen hag ho ren

Ar c'habiten-man gant prez braz
E Plabennec a vatissaz
eun dourel rount gant é avis,
Evit recur madou an Ilis.

N'oa quet gallet c'hoaz sevel dor
Evit serra var an tenzor
Na zigargas ar barbaret
Goaz evit blezi arraget

Ar c'habiten, pa o guelas
En e dour en em ranfermas
Gant eur goz rot e deffaut guell
E stanquas cré dor é gastel

Goudé m'o devoa e pep guis
Clasquet evelen pilla an Ilis
En em doljont da glasq antren
En é dour var ar c'habiten

Mez Doué roué an arméou
A selaouas ar pedénnoù
A réas é les quelen d'an heur
Ar zant gant e vrassa ferveur

Pa édont o clasq forcy an or
Evit antren var an tenzor
Eparissas en o c'hichen
Eun armé vraz a Gristenien

Var an tour e velsont ouzpen
Eur c'havalier var eur marc'h guen
O rei courach d'e soudardet
hag eur spount bras d'ar barbaret

Souden é quémersont an tec'h
hep ober arret é nep leoc'h
ha pelloc'h ar raq miliguet
Var douar Léon né oué guélet

An Autronez incontinent
A drugarequéas oll ar zant
Da veza delivret ar vro
Diouz tud quer criz ha quer garo

O rei da Ilis Plabennec
Gant eur galon anaoudec
Douarou hag heritachou
Guiryou caer ha privilégeou

Eur seurt flambos né dlyé quet
chom dindan ar boezel cuzet
Léquet voa var ar c'hantolor
A Ilis Leon gant peb enor

Dré ma zoa partout énore
Sant Ténénan a voa choazet
A vouez an Ilis hag ar bopl
Goudé sant Goulc'hen da escop

E guenta sourci oué sevel
An templou, ar plaçou santel
C dévoa an Danemarkis
Pillet, ruinet é pep guis

Da peb parez é roas timat
Pastoret ha béléyen vad
Da sicour cundui an devet
En-doa dindan cont quéméret

Cresquet ma oa e zignité
E vertuz a gresquas ivé

- 213 -

Dornskridoù Milin : Kanaouennoù(Gwerz Sant Tenenan)

Béteg ober miraclou braz
 ha quent, ha goude ma varvaz

Quer patiant^o voé anavézet ° Kompr. : patant
 E santélez, ma é quéméret
 Da zant en escopti Léon
 hag é Plabennec da batron

Ar c'huezevet a c'houéré
 An deiz ma zéas dirac Doué
 E reur é gouel hac é ofic
 é calandrié Leonnis

Pa e bet hon tad hac or pastor
 Célebramp e c'houel gant énor
 hag imitomp e vertuchou
 Ma veritimp e souffrançou.

VVVVVVV